

Siulersuisut ataatsimiinnerannit imaqarniliaq Qaqortoq, ulloq 13. aamma 14. april 2013

Peqataasut: Siulittaasoq Bjørn Holm (BH), Siulittaasup tullia Karsten Klausen (KK), Henrik Sørensen (HS), Erna Thomsen (ET), Kamilla Koldbro Fulgsang (KKF), Gerth Lynde (GL), Peter Magnussen (PM)

Allatsit: NIQ pisortaq Torben Hansen (TH), NIN pisortaq Mette Barslund (MB)

Immikkut ittumik peqataasut: sulisut sinnisaat Peter Rømer (PR), sulisut sinnisaat Susanne B. Rasmussen (SB)

Imaqarniliortoq: Mette Barslund

Oqaluuserisassat akuerineqarnerat

Oqaluuserisassat akuerineqarput ilanngunneqarlutik Aningasaqarnikkut ilinniarneretuunngorniarluni ilinniartitaanerup paasissutigineqarnera kiisalu Siunnersuisooqatigiit pillugit paasissutissiineq. Tamatuma saniatigut takornariaqarneq pillugu ilinniartitaanerit pillugit paasissutissiineq kiisalu nalilliineq. Ilinniartut ilinniarnerminnik maanaannaq unititsisartut killilersimaarniarlugit suleqatigiissitaq pillugu paasissutissiineq.

Siulersuisut kingullermik ataatsimiinneranit imaqarniliap atsiorneqarnera

Imaqarniliaq februar 2013-meersoq atsiorneqarpoq.

Siulittaasup paasissutissiinera (BH)

Qinersineq pissutaalluni GUp aamma NI, Qaqortup kattunnissaat pillugu suli allakkatigut tigusaqanngilagut. Pineqartoq pillugu oqaluuserisassaniimmat eqqartorneqaqqissaaq.

Takornariaqarneq pillugu ilinniartitaanerit (TH)

Januar 2013 aallarnerfigalugu Issittumi takornarialerinerterik-ilinniartitaaneq aallartinneqarpoq. Ilinniartitaaneq ukiup affaanik sivissussuseqarpoq. Januarimi 20-t ilinniartitaanerit aallartippuit maanaannarlu taamaatittooqalaarsimalluni. Upernaat tamaasa ilinniartitaaneq aallartinneqartassaaq naammassinermilu allagartaartoqassalluni. Ilinniartitaaneq Inuutissarsiutinut ilinniartitaanerup iluaniippoq.

Kiisalu Serviceøkonomitut ilinniartitaaneq neqeroorutigineqarpoq. Ilinniartitaaneq ukiunik marlunniq sivissussuseqarpoq 120 ECTS-inillu pissarsissutaalluni. Ilinniartitaaneq takornarialerinerup iluani allaffisornermut tunnganeruvoq.

Kiisalu NIQ pikkorissaanermik imikkoortortaqarfiata takornarialerinerterik pikkorissaanerpassuit ingerlattarpai; ilatigut Outfitterinngorniat, Issittumi ikiueqqaarneq il.il. Kiisalu pilersaarutigineqarpoq issittumi angallassisutut (Guide) ilinniartitaanerup iluani ingerlariaqqiffissat arlallit. Aammattaaq umiarsuarmik angalasunik angallassisutut (Guide) ilinniartitaaneq pillugu NIQ suliffeqarfinnik allanik

suleqateqarpoq. Tammajuitsussarsiniarluni piniarneq pillugu pikkorissaanerup ineriaortinnissaa NIQ-mit sulissutigineqarpoq.

Angallassisutut ilinniartitaaneq/immikkoortoq annerusoq apersuutigineqarpoq. Taamaattoq sullinniakkat ikimmata, suliffeqarfiiut nunanit allaneersut suleqatigineqartariaqarput. Suliaq pillugu TH annerusumik misissuissaaq – aamma akuersissutit suut pisariaqartinneqarnersut ilaatigut misissussallugu.

Angusassatut isumaqatigiissut 2014-17 (BH, TH, MB)

Angusassatut isumaqatigiissut 2014-17. Qullersaqarfiiup maj-imí ataatsimeeqatiginissaanut piareersarneqarpoq. Ataatsimiinnissaq pillugu qullersaqarfik ima allappoq:

“Maj 2013 (ataatsimut ataatsimeeqatingiinneq innersuussutigalugu) “kissaatit angisuut” pillugit ilinniarfiit ataasiakkaat IIN-imiit oqaloqatigineqarput, naliliinissaq siunertaralugu, tamanna aningaasanut inatsimmut 2014-mut ilanngunneqassanersoq pillugu. Tassaanerussapput sanaartornissamut kissaatit imaluunniit ineriaortitsinissamut suliniutit, ukiuni arlalinni aamma/imaluunniit minnerpaamik arfineq-marlunnik kisitsitallit, taamaattumillu ilinniarfiit ataasiakkaat kontoinut toqqaannartumik tuttussangorlugit suliarineqartussaassallutik. Taamatuttaaq angusassatut isumaqatigiissummi “suliniutit angisuut” allat isumaqatigiissutigineqarnissaat uani ejartorpagut.

Angusassatut isumaqatigiissummi ilinniarfinnun marlunnut tunngatillugu takuneqarsinnaassaaq, sanaartornermut tunngasunik iluarsiissutissanik kissaateqartoqarnera. Ilinniarfiit marluk sanaartornermut pitsangorsaatissatut siunnersuutinik peqarput.

Sanaartukkat kollegiallu amerlasuut ullutsinnut naleqqunnerusut pisariaqartinneqarput aamma ilinniartitaanermi anguniakkatut ilinniakkat piginnaatitsisut 70% tikillugit inuuusuttut ilinniarsimasut anguneqassappata.

NIQ: Ilinniarfiup nutaanngitsortaa tamarmi suliffiup avatagiisaasa piumasaqaatai naammassisinnaanngilai, qanorluunniit ilusilersorneqaraluaruni. NIQ illoqarfimmi ininik attartornissani perusunngilaa ilaatigut ilinniarfiup igaffia, ilinniartitsinermi init, uumaatsulerinermut ini atuartitsiviusoq, ilinniartitsisut allaffii pitsasut, timersorfissat pisariaqartinneqarput. Pisariaqartitsineq pillugu misissueqqissaarineq aallaavagineqarsinnaavoq, TNT-mit suliarineqarsimasoq ilaatigut GU-lu kattunnissaq qissiminggaanngikkaluarlugu. Periarfissaq alla tassaasinnaavoq pisariaqartitsineq assiliartalerneqarluni GU-lu kattunnissamut atatillugu, taamatut aalajangertoqassappat.

Maannakkut kollegiat 50-t nutaat sananeqarput, affai GU-mut affaalu NIQ-mut.

NIN: Pisariaqartitsineq pillugu misissueqqissaarineq TNT-mit suliarineqarpoq ukiut marluk miss. matuma siorna. Annertuumik makku pisariaqartinneqarput, nerisarfik, init atuartitsiviusut anginerit ullutsinnut naleqquuttut, pisortatut ilisimatusarfillu kattunnissaq (sulisut tikillutik ataqtigatigiissumik sulinissaq ilaatigut pissutigalugu aamma aaqqissuussaanerusumik ininik pilersitsinissaq, kiisalu illup iluata silaannalunnera pissutigalugu illup atorsinnaannginnera), aammattaaq innarluutilinnut naleqqunnerusumik pisariaqartitsineq pissutigalugu.

Naliliineq: TH aamma MB pisariaqartitat pillugit allagaqaasiussapput maj-imí ataatsimiinnissamut.

“Matulerisutut pikkorissarneq”: politiit qullersaqarfiat apeqquteqarpoq “Matulerisutut pikkorissarneq” pillugu. NIp pisussaaffiata iluaniippallaanngilaq – INUILI aperineqassaaq.

“Imigassat pillugit pikkorissarneq”: Niuertarfimmiunut pikkorissarneq, imigassanik tuniniaasunut – TNIP ilinniartitaaneranut ilannguttariaqarluarpoq niuernermut atatillugu immikkut ilinniagassatut. TH suliassaq pillugu misissuissaq.

GU aamma NIQ Qaqortumiittut kattunnissaannut pilersaarutit (BH, TH)

Oqaluuserisassami uani peqataavoq Else Poulsen, rektor GU Qaqortoq.

EP saqqummiuppa GU, Qaqortoq, ilanngullugu aningaasaqarneq, sulisut, sanaartukkat, ilinniagassatut qinigassat, suliuitit il.il. GU Qaqortup ilaatigut kattunnissaq soqtiginartutut isigaa. Kattunnerup kingunerissavaa, Qaqortoq ilinniarfimmik angisuumik peqalissammat taamaalluni soqtigineqarnerulernermik kinguneqarnissa neriuutiginarluni – aamma politikkikkut. NIQ aamma GU kattunnermi pitsaaqutinik arlalinnik takusaqarsinnaapput – inissatigut, ilinniartoqarnikkut aamma allaffissornikkut. GUp kissaatigaa, ilaatigut kattunnermi siulersuisut katitingaanerata iluarsiivigineqarnissa imaallillugu sulisut sinniisoqalerlutik immaqlu ilinniarfinnit ingerlaqqiffiusunit aamma sinniisoqarluni. Pingaartuuvoq, siulersuisut katitingaaneranni ilinniarfiit fagini assigiinngitsunit tamaneersut sinniisoqarnissaat. Kattunnissaq ilinniarfinnit marluusunit tamakkiisumik taperserneqarpoq suliniutillu ataatsimoorunnissa ersersinneqarluni.

Inuutissariutinut ilinniartitaanerit pillugit inatsisartut inatsisaat naapertorlugu siulersuisut sinniisoqartussaapput sulisut sinniisaannik sumiiffinnit tamaneersunit – tassa imaappoq Qaqortumit aamma Nuummit. Taamaattoq ikaarsaarnermik aaqqissuussinermi inatsisip, qulakkeerpaa, piffissami aalajangersimasumi ukioq ataaseq tikillugu ilaasortanik allanik peqataasoqarsinnaasoq – assersuutigalugu sulisut sinniisaat GU, Qaqortoq. Aammattaq ilinniarfinnit ilinniaqqiffiusunit ilaasortaq aamma eqqarsaatigineqarsinnaavoq.

Kattunnermi tunuliaqt, pitsaaqutit aamma ajoqutit pillugit quillersaqarfip allaga siulersuisunit oqaluuserineqarpoq. Kattunnissaq siulersuisunit taperserneqarpoq pisortatigoortumillu Naalakkersuisup nalunaaruteqarnissa utaqqimaarlugu.

Siulersuisut katitigaaneri ilaasortassanillu nutaanik toqqaaneq

Quillersaqarfimmit allagaq naapertorlugu kattuffit qinigaasinnaatitaasut allannguiteqassanersut pillugit siulersuisut quillersaqarfimmut paassisutissiissapput kingusinnerpaamik ulloq 17. maj.

Siulersuisunut ilaasortat amerlassusaasa amerlineqarnissaat siulersuisunit kissaatigineqanngilaq. Taamaattorli suliniuteqartussanik immikkut ilisimasalinnik ataatsimiititaliorissamut periarfissaqarpoq. Pingaartuuvoq piginnaasaqarluartut siulersuisuni issianissaat.

Namminersorlutik Oqartussat sinnerlugit sinniisup issiaannarnissaanut ajornartorsiuteqarpoq, pineqartoq pisortat suliffeqarfiutaanni angisuumit sinniisaammat, kisianni sulisitsisunit angisuunit sinniisumik siulersuisuni issiasoqarani. Tamanna pillugu siulersuisunit quillersaqarfik saaffigineqassaaq.

Niuertarfinnit angisuunit kiisalu takornarialerisut sinniisoqannginnerat oqaluuserineqarpoq. Kattuffit toqqakkat sinniisup eqqortup toqqarnissaa aalajangissavaat.

Imaqarniliamut ilanngunneqarpoq, GA isumaqarmat, siulersuisuni sinniisoqarneq equngassuteqartoq, tassami GA aamma NUSUKA tamarmik immikkut marlunnik sinniisoqarmata. GA NUSUKA-mut sanilliullugu sulisitsisunik amerlanerungaartunik tunuliaqutaqarpoq. Tamanna pillugu siulersuisuni isumaqatigitttoqanngilaq.

Kattuffinnut toqqarneqarsinnaasunut siulersuisut allagaqassapput, ilaasortassanik aqqinik nassiusseqqullugit – taakku atit ilinniartoqarfinnut nassiunneqassapput assingilu qullersaqarfimmum nassiunneqarlutik kingusinnerpaamik ulloq 1. august 2013.

Maleruagassat suleriusissallu allannguutaat

Maleruagassat suleriusissallu misissorneqarput kattunnissaq eqqarsaatiginagu, tamannami suli pisortatigut nalunaarutigineqanngilaq.

Inatsisartut inatsisaanni ersinngilaq, siulersuisunut ilaasortat sinniisissaannik toqqaasinnaaneq. Siulersuisunut ilaasortaq tunuarpat, taava kattuffik pineqartoq ilaasortassamik nutaamik toqqaassaaq suleriusissaq ullumikkut atuuttoq naapertorlugu ilaasortaq alla pisinnaatinneqarsinnaanngilaq, kisianni tamanna allangortinneqassaaq.

Maleruagassanut allannguutissatut siunnersuutit qullersaqarfimmum nassiunneqassapput. Taamatuttaaq suleriusissat assingi qullersaqarfimmum ilisimatitsissutitut nassiunneqassapput. Taakkununnga allakani naqissuserneqassaaq ilaatigut kattunneq pissappat allannguuteqaqqikumaarnerinik.

Kalaallisut oqaasillit qaffassarnissaat

Suleqatigiissitamit "inuutissarsiutinut ilinniartitaanermi ilinniartut ataasiinnarmik oqaasillit aamma marluinnik oqaasilinnik ilinniartitsisunik pisariaqartsineq" pillugu suliat TH-mit saqqummiunneqarput.

Siulersuisunit kissaatigineqarpoq suli, ataasiinnarmik oqaasillit pikkorissartinnissaat qitiutinneqassasoq, ajornanngippat immikkoortunut aggulukkanut piginnaanermik qaffatitsisut. NIQ Pilersuisoq pikkorissartitsinernik sullippaa; ilaatigut nunaqarfinni niuertutut ilinniartitaaneq.

Siulersuisut aalajangiinissaannut tunngavissanik TH suliaqassaaq maannakkut iliuuserisartakka aamma unamminartut kiisalu siunissami periarfissat aamma unamminartunut aaqqiissutissanik imaqartut. Tamatuma kingorna siulersuisut aalajangiissapput.

Suliffimmik sungiusartunut akisussaasut pikkorissartinnissaat aamma periarfissaasinnaavoq, suliffeqarfiit mikisut sumiiffinniittut ilinniartunik tigusisarnissaat qulakteerniarlugu, ajornanngippat augustimi ilinniernerup aallartinnissa sioqqullugu. Aammataaq suliffeqarfiit anginerusut kissaatigaat ilinniartunut akisussaasut aamma suliffimmik sungiusartunut akisussaasut pikkorissartinneqarnissaat. Isumasioqatigiissitsineq/pikkorissarnerup piviusunngortinneqarsinnaanera pillugu MB-mit periarfissat piaartumik misissorneqassapput.

Siulersuisut naliliinerat

Namminneq iluminni tunngasunik naliliineq

Iluminntun tunngasunik naliliineq pivoq siulersuisut eqimattanut pingasunut aggulullugit. Inernerri eqimattanit saqqummiunneqarput siulersuisunut tamarmiusumut.

Siunnersuutigineqarpoq, immikkut ataatsimeeqataasut peqataatinnagit siulersuisut matoqqasumik ataatsimiittarnissaat. Tamanna ilalerneqanngilaq.

Siunnersuutigineqarpoq, ataatsimiinnerit ilai Nuup aamma Qaqortup avataani ingerlanneqartarnissai.

E-forum-imi attaveqaatigut pitsasorujussuupput. Pingaartuuvoq, atortussanik nassitsisinnaanermut periarfissaqarnissaq – aamma ataatsimiinnissaq ullunik 14-inik sioqqullugu. Soqtiginartut ilai piffissami pineqartumi saqqummiutipallaannarneqartarput. Ataatsimiinnermi aalajangiisoqartuaannangilaq – oqaluuserisassat ilai ataatsimiinnissamut allamut kinguartinneqartarput.

Piffissamut ungasinnerusumik pisussanut, aaqqissuussaanermut aamma ineriertortitsinermut tunngasut qitiutinneqarneri amigaataavoq – suliassat massakkut suliarneqartussat annertuumik qitiutinneqarput – ingammik aalajangiiniarnermi toqqammavissat naatsumik nassuaasersoqarneqarsimasut, pitsaaqutit aamma ajoqutit kiisalu ilinniarfiup inassuteqaataa. Siulersuisut suleqatigiissitatut namminersortutut ingerlapput. Ammasuupput ataqqeitatigiillutillu. Siulersuisut amigaatingaat pingaarutilinnik suliaqarnissaq kiisalu avammut saqqumilaartuunissaq. Siulersuisut suliassarai siullertut ilinniarfiup soqtigisai.

Oqallinnerit annertupput naalisaanerit atorneqarlutik kiisalu oqariartaatsit ilinniartitaanermut tunngasut atorneqarlutik. Annerusumik nassuaasoqarsinnaavoq kiisalu oqaluuserisassat inernerisa saqqummiunneqarnissaat qitiutinneqarlni. Siunnersuutigineqarpoq, siulersuisut ataatsimiinneri tamaasa suliniummik aalajangersimasumik qitiutitaqartassasoq: assersuutigalugu ilinniartitaanerup ineriertinnejnarnera, pitsaassuseq, aqtsineq aamma suliffeqarfik imaluunniit aningaasaqarneq.

Avataanut tunngasunik naliliineq

Avataanut tunngasunik naliliinissamut periuseq pillugu qullersaqarfik nalunaarusiamik saqqummerumaartussamik suliaqarpoq. Inernerera ataatsimut ataatsimiinnissamut saqqummiunneqassaaq nalunaarusiarlu siulersuisunut nassiunneqassalluni. BH oqaaseqartinneqarsimavoq.

Aningaasaqarneq pillugu ilinniarnertuungorniarluni ilinniartitaaneq

Aningaasaqarneq pillugu ilinniarnertuungorniarluni ilinniartitaaneq pillugu MB paassisutissiivoq. Aalajangiinissamut toqqammavissat naatsumik nassuaaserneqarneqarsimasut, pitsaaqutit aamma ajoqutit kiisalu ilinniarfiup inassuteqaataa il.il. MB-mit siulersuisunut nassitsissaaq. Tamatuma kingorna siulersuisut aalajangiissaapput.

Tamatumunnga atatillugu TH ilinniartitaanermik kissaateqarpoq.

Ilinniartunik ilinniarnerminnik maanaannaq unititsiinnartartunik suliniuteqarneq

Nuna tamakkerlugu ilinniartunik siunnersuisussanik inatsisartut kissaateqarput, taakkulu nunap immikkoortuani ataqatigiissaarisuusinnaallutik. Maanaannaq ilinniarnerminnik unititsiinnartartut akiorniarlugit ukiut tamaasa 6 mill. aningaasaliissutigineqartarput. Taamaallaalli 2 mill. miss. atorneqarsimapput. Tamanna pillugu ilinniarfiit paassisutissanik tunineqassapput kaammattorneqarlutillu suliniutinut assiginngitsunut aningaasaliissutissanik qinnuteqaqqullugit.

Illup iluani avataanilu attaveqaqatigiinneq

Naliliinerit inernereri MB-mit katarsorneqariarlutik siulersuisunut nassiunneqassapput.

Siulersuisut siunnersuutigerusuppaat, siulersuisut iluminni pikkorissarnissaat sulissutigineqassasoq 1. september-ip kingorna pisussanngorlugu.

Tullianik ataatsimiinnissap aalajangernera

Siulersuisut tullianik ataatsimiissapput ulloq 31. august aamma 1. September Kangerlussuarmi. Tullianik ataatsimiinnissamut Retail-ilinniartitaaneq pillugu oqaluuserisassanut ilanngunneqassaaq. Aammattaaq NIQ aamma GU Qaqortumi atugarissaarneq pillugu misissuisimaneq tullianik ataatsimiinnissamut oqaluuserisassanut ilanngunneqassaaq.

Bjørn Holm

Karsten Klausen

Henrik Sørensen

Erna Thomsen

Kamilla K. Fulgsang

Peter Magnussen

Gerth Lynge

Susanne B. Rasmussen

Peter Rømer

Torben Hansen

Mette Barslund